

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO UNUTRAŠNJIH POSLOVA
FEDERALNO MINISTARSTVO UNUTARNJIH POSLOVA
S A R A J E V O

**IZVJEŠTAJ O RADU FEDERALNOG MINISTARSTVA UNUTRAŠNJIH POSLOVA
– FEDERALNOG MINISTARSTVA UNUTARNJIH POSLOVA
ZA PERIOD 1. 7.–31. 12. 2015. GODINE**

Sarajevo, januar 2016. godine

SADRŽAJ

UVOD	1
1. ODNOSI SA JAVNOŠĆU I MEĐUNARODNA SARADNJA.....	3
2. UPRAVNO-PRAVNI POSLOVI.....	4
2.1. Normativno-pravni poslovi.....	4
2.2. Državljanstvo i matične knjige.....	7
2.3. Upravno-nadzorni poslovi	10
3. ŠKOLOVANJE, STRUČNO OSPOSOBLJAVANJE I USAVRŠAVANJE	10
4. NADZOR RADA AGENCIJA I UNUTRAŠNJIH SLUŽBI ZA ZAŠTITU LJUDI I IMOVINE I ZAŠTITU OD POŽARA	12
5. MATERIJALNO-FINANSIJSKI POSLOVI	13
6. OPĆI I ZAJEDNIČKI POSLOVI	13

UVOD

Zakonom o unutrašnjim poslovima Federacije BiH („Službene novine Federacije BiH“, broj 81/14) utvrđeni su organizacija, rukovođenje i nadležnosti Federalnog ministarstva unutrašnjih poslova, uključujući i Federalnu upravu policije, te međusobni odnosi Federalnog ministarstva unutrašnjih poslova i Federalne uprave policije sa kantonalnim ministarstvima unutrašnjih poslova, kao i druga pitanja od značaja za ostvarivanje funkcija Federacije BiH u oblasti unutrašnjih poslova.

U sastavu Federalnog ministarstva unutrašnjih poslova nalazi se Federalna uprava policije, koja obavlja operativne poslove policije iz nadležnosti Federalnog ministarstva unutrašnjih poslova.

Unutrašnji poslovi iz nadležnosti Federalnog ministarstva unutrašnjih poslova su:

1. sprečavanje i otkrivanje krivičnih djela terorizma, međukantonalnog kriminala, stavljanje u promet opojnih droga i organizovanog kriminala te pronalaženje, hvatanje učinilaca tih krivičnih djela i njihovo privođenje nadležnim organima;
2. osiguranje određenih osoba i zgrada Federacije;
3. školovanje, stručno osposobljavanje i usavršavanje;
4. sticanje i prestanak državljanstva Federacije.

Poslovi iz zajedničke nadležnosti Federacije i kantona su: provođenje zakona i drugih propisa o državljanstvu, osobno ime, matične knjige i matični registar, agencije i unutrašnje službe za zaštitu ljudi i imovine, inspeksijski nadzor zaštite od požara, eksplozivne materije, prijevoz opasnih materija, poslovi detektivske djelatnosti, provođenje određenih mjera i radnji koje se odnose na područje nasilja u porodici u skladu sa zakonom, kao i drugi poslovi određeni zakonima Federacije.

U okviru realizacije svojih nadležnosti Federalno ministarstvo unutrašnjih poslova obavlja poslove iz člana 14., a Federalna uprava policije iz člana 31. Zakona o unutrašnjim poslovima Federacije BiH.

Između ostalog, Federalno ministarstvo unutrašnjih poslova je u izvještajnom periodu, odnosno 1. 7.–31. 12. 2015. godine, kontinuirano vršilo školovanje kadeta za čin „policajac“ i „mlađi inspektor“, kao i stručno usavršavanje policijskih službenika provođenjem specijalističkih kurseva u organizaciji Policijska akademije Federalnog ministarstva unutrašnjih poslova, međunarodnih organizacija i drugih institucija. Također, vršena je obuka za osposobljavanje polaznika za rad u agencijama za zaštitu ljudi i imovine.

Provedene su aktivnosti na pripremi sedam prednacrtā, nacrtā i prijedloga federalnih zakona iz oblasti unutrašnjih poslova (Zakon o privatnim detektivima u Federaciji Bosne i Hercegovine, Zakon o prijevozu opasnih materija, Zakon o policijskim službenicima Federacije BiH, Zakon o izmjenama i dopunama Zakona o plaćama i naknadama policijskih službenika FBiH, Zakon o ličnom imenu, Zakon o nabavljanju, držanju i nošenju oružja i municije i Zakon o državljanstvu Federacije BiH), 15 pravilnika (Pravilnik o unutrašnjoj organizaciji Federalnog ministarstva unutrašnjih poslova – Federalnog ministarstva unutarnjih poslova, Metodologija izrade procjene

ugroženosti i elaborat o zaštiti, Pravilnik o primjeni mjera policijskog upozorenja, Pravilnik o organizaciji godišnjeg okupljanja matičara kao dana matične službe radi promocije matične djelatnosti, Pravilnik o izgledu, obilježavanju, registraciji i korištenju vozila Federalnog ministarstva unutrašnjih poslova – Federalnog ministarstva unutarnjih poslova i Federalne uprave policije, Pravilnik o proceduri za unapređenje policijskih službenika u Federalnoj upravi policije, Pravilnik o internom objavljivanju slobodnih radnih mjesta u Federalnoj upravi policije, Pravilnik o načinu postupanja policijskih službenika prema licima koja su lišena slobode, Pravilnik o plaćama i naknadama državnih službenika i namještenika Federalnog ministarstva unutrašnjih poslova – Federalnog ministarstva unutarnjih poslova, Pravilnik o sadržaju i načinu provođenja inspekcijskog nadzora u oblasti fizičke i tehničke zaštite ljudi i imovine i sadržaj i postupak polaganja ispita za inspektora, Pravilnik o plaćama i naknadama policijskih službenika Federalnog ministarstva unutrašnjih poslova – Federalnog ministarstva unutarnjih poslova, Pravilnik o prestanku važenja Pravilnika o izgledu i sadržaju identifikacijske kartice za članove Vlade Federacije Bosne i Hercegovine, Pravilnik o prestanku važenja Pravilnika o vrsti tehničkih naprava, sredstvima i opremi kojima se obavljaju poslovi tehničke zaštite i načinu njihove ugradnje i projektovanja i Pravilnik o uvjetima, načinu i postupku korištenja sredstava iz specijalne kase), tri uredbе (Uredba o načinu i postupku obavljanja mjera zaštite i vršenje prijevoza i prijenosa gotovog novca, vrijednosnih papira i dragocjenosti, Uredba o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslove intervencije u slučaju aktiviranja alarmnog sistema i Uredba o dodjeljivanju i oduzimanju činova policijskim službenicima Federacije BiH) i jedne odluke (Odluka o utvrđivanju udjela finansijskih sredstava potrebnih za korištenje specijalne kase). Obavljeni su i drugi poslovi.

Federalno ministarstvo unutrašnjih poslova, u okviru svojih nadležnosti, izvršilo je sve svoje redovne obaveze u okviru poslova predviđenih Pravilnikom o unutrašnjoj organizaciji, osim nekih čija dinamika je ovisna od usvojenih zakonskih rješenja ili zakonskih procedura, kao i od raspoloživih finansijskih sredstava.

U nastavku slijedi izvještaj sačinjen na osnovu podataka koje su dostavile organizacione jedinice Federalnog ministarstva unutrašnjih poslova i Federalna uprava policije za period 1. 7.–31. 12. 2015. godine.

1. ODNOSI SA JAVNOŠĆU I MEĐUNARODNA SARADNJA

U oblasti odnosa sa javnošću izvršene su u cijelosti planirane aktivnosti, kako sljede: aktivnosti u vezi s odnosima s medijima: saopćenja za javnost, najave događaja, konferencije za štampu, pozivi za medije (12), izjave za medije (12 saopćenja); priprema intervjua ministra za elektronske, štampane medije i web portale; priprema obraćanja ministra za učešće u različitim događajima kao i kreiranje sinopsisa za događaje u organizaciji Ministarstva; medijsko praćenje terenskih posjeta ministra; aktivnosti na osnovu Zakona o slobodi pristupa informacijama po predmetima i zahtjevima građana (19 zahtjeva); dostavljanje izvještaja o realizaciji zahtjeva građana, na osnovu Zakona o slobodi pristupa informacijama, koji su dostavljeni Ministarstvu (dva tromjesečna izvještaja dostavljena su Parlamentu Federacije BiH - Predstavničkom domu i Domu naroda i Instituciji ombudsmena za ljudska prava BiH); dostavljanje odgovora na upite građana (elektronskim putem); redovno ažuriranje web stranice Ministarstva; aktivnosti Odsjeka za odnose sa javnošću Ministarstva koji su obavljani i saradnji s Uredom Vlade FBiH za odnose sa javnošću kao i sa PR službenicima drugih federalnih ministarstava; medijski monitoring (štampani mediji i elektronski mediji); interni audit ISO 9001:2008 u Ministarstvu; lektorisanje svih dopisa, akata, dokumenata i tekstova (2.502 stranice); administrativni poslovi (2.076 primljene i otpremljene pošte).

U oblasti međunarodne saradnje u cijelosti su izvršene: aktivnosti u vezi s apliciranjem zainteresovanih policijskih službenika Federalne uprave policije na testiranje za pripadnike bh. kontingenta civilne policije u mirovnim misijama UN-a; aktivnosti u okviru Edukacijskog programa kojeg organizuje Federalno ministarstvo unutrašnjih poslova u saradnji sa Turskom agencijom za saradnju i koordinaciju TIKa u vezi sa sudjelovanjem predstavnika Federalnog ministarstva unutrašnjih poslova i kantonalnih ministarstava unutrašnjih poslova za sudjelovanje na dvije obuke (od ukupno četiri održane u 2015. godini) na edukaciji organizovanoj na Policijskoj akademiji sudjelovala su 22 pripadnika policijskih službi sa područja Federacije BiH, a na obuci održanoj u Turskoj 15); aktivnosti u vezi sa sudjelovanjem šest uposlenika Federalnog ministarstva unutrašnjih poslova na dvije međunarodne konferencije; aktivnosti u vezi sa sudjelovanjem uposlenika Federalnog ministarstva unutrašnjih poslova na 13 međunarodnih edukacija (kurseva, obuka, radionica) na kojima je sudjelovalo 16 predstavnika Ministarstva; aktivnosti u vezi sa sudjelovanjem pet predstavnika Federalnog ministarstva unutrašnjih poslova na tri međunarodna sastanka; aktivnosti oko pripreme i slanja prigodnih čestitki za protekle blagdane i praznike, kao i pripreme aktivnosti u vezi s obilježavanjem 1. jula – Dana policije u Federaciji BiH.

Obavljeni svi protokolarni, poslovi vođenja zapisnika za potrebe Kabineta ministra, prevodilački i administrativni poslovi kao i svi naknadno postavljeni zadaci.

2. UPRAVNO-PRAVNI POSLOVI

2.1. Normativno-pravni poslovi

Zakonski propisi:

1. Zakon o privatnim detektivima u Federaciji Bosne i Hercegovine (usvojen od strane Doma naroda Parlamenta Federacije BiH, u toku je usaglašavanje s amandmanima);
2. Zakon o prijevozu opasnih materija (dostavljen na konsultacije nadležnim organima državnim, federalnim i kantonalnim ministarstvima, upravama i javnim preduzećima koji vrše poslove u vezi s prijevozom opasnih materija).
3. Zakon o policijskim službenicima Federacije BiH (pribavljena mišljenja radnih tijela Ureda Vlade Federacije BiH za zakonodavstvo i usklađenost sa propisima Evropske unije, Federalnog ministarstva pravde i Federalnog ministarstva finansija i upućen Vladi Federacije BiH radi utvrđivanja nacrtu predmetnog zakona. Na 18. sjednici, održanoj 20. 8. 2015. godine, Vlada Federacije BiH utvrdila je Nacrt predmetnog zakona. Na 4. redovnoj sjednici Predstavničkog doma Parlamenta FBiH, održanoj 27. i 28. 10. 2015. godine, razmatran je Nacrt predmetnog zakona te je Predstavnički dom donio zaključak kojim utvrđuje da je Nacrt zakona dobra osnova za izradu prijedloga zakona).
4. Zakon o izmjenama i dopunama Zakona o plaćama i naknadama policijskih službenika FBiH (Nacrt zakona razmatran i usvojen od strane Predstavničkog doma Parlamenta Federacije BiH).
5. Zakon o ličnom imenu (razmatranje Nacrta zakona je na dnevnom redu 23. sjednice Doma naroda Parlamenta Federacije BiH).
6. Zakon o nabavljanju, držanju i nošenju oružja i municije (Nacrt zakona usvojen u nastavku 31. redovne sjednice Predstavničkog doma Parlamenta Federacije BiH).
7. Zakon o državljanstvu Federacije BiH (pribavljena mišljenja radnih tijela Ureda Vlade Federacije BiH za zakonodavstvo i usklađenost sa propisima Evropske unije, Federalnog ministarstva pravde i Federalnog ministarstva finansija, usaglašen sa mišljenjima, dostavljen na lekturu i trenutno je u fazi upućivanja Vladi Federacije BiH. Na 18. sjednici, održanoj 20. 8. 2015. godine, Vlada Federacije BiH utvrdila je Prijedlog predmetnog zakona. Na 3. redovnoj sjednici Predstavničkog doma, održanoj 27. i 28. 10. 2015. godine, usvojen je Prijedlog predmetnog zakona).

Podzakonski propisi

1. Pravilnik o unutrašnjoj organizaciji Federalnog ministarstva unutrašnjih poslova – Federalnog ministarstva unutarnjih poslova (donesen, Vlada FBiH dala saglasnost).

2. Uredba o načinu i postupku obavljanja mjera zaštite i vršenje prijevoza i prijenosa gotovog novca, vrijednosnih papira i dragocjenosti (Vlada Federacije BiH je na svojoj 23. sjednici, održanoj 23. 9. 2015. godine, donijela je predmetnu Uredbu, broj 1268/2015 od 23. 6. 2015. godine. Predmetna uredba objavljena je u „Službenim novinama Federacije BiH“, broj 76/15).
3. Uredba o poslovima tehničke zaštite koji se odnose na upotrebu alarmnih sistema, videonadzora ili drugih tehničkih sredstava i opreme te poslove intervencije u slučaju aktiviranja alarmnog sistema (objavljena u „Službenim novinama Federacije BiH“, broj 72/15).
4. Metodologija izrade procjene ugroženosti i elaborat o zaštiti (sačinjena radna verzija Pravilnika i dostavljena Inspektoratu za nadzor rada agencija i unutrašnjih službi za zaštitu ljudi i imovine i zaštitu od požara).
5. Pravilnik o primjeni mjera policijskog upozorenja (objavljen u „Službenim novinama Federacije BiH“, broj 90/15).
6. Pravilnik o organizaciji godišnjeg okupljanja matičara kao dana matične službe radi promocije matične djelatnosti (objavljen u „Službenim novinama Federacije BiH“, broj 55/15).
7. Pravilnik o izgledu, obilježavanju, registraciji i korištenju vozila Federalnog ministarstva unutrašnjih poslova – Federalnog ministarstva unutarnjih poslova i Federalne uprave policije (objavljen u „Službenim novinama Federacije BiH“, broj 56/15).
8. Pravilnik o proceduri za unapređenje policijskih službenika u Federalnoj upravi policije (objavljen u „Službenim novinama Federacije BiH“, broj 60/15).
9. Pravilnik o internom objavljivanju slobodnih radnih mjesta u Federalnoj upravi policije (objavljen u „Službenim novinama Federacije BiH“, broj 60/15).
10. Pravilnik o izmjenama i dopunama Pravilnika o načinu organizovanja periodične provjere sposobnosti rukovanja oružjem, provjere zdravstvene i psihofizičke sposobnosti i stručne obuke zaposlenika agencija za zaštitu ljudi i imovine (objavljen u „Službenim novinama Federacije BiH“, broj 60/15).
11. Pravilnik o načinu postupanja policijskih službenika prema licima koja su lišena slobode (objavljen u „Službenim novinama Federacije BiH“, broj 71/15).
12. Uredba o dodjeljivanju i oduzimanju činova policijskim službenicima Federacije BiH (objavljena u „Službenim novinama Federacije BiH“, broj 95/15).
13. Pravilnik o plaćama i naknadama državnih službenika i namještenika Federalnog ministarstva unutrašnjih poslova – Federalnog ministarstva unutarnjih poslova (donesen).
14. Pravilnik o sadržaju i načinu provođenja inspeksijskog nadzora u oblasti fizičke i tehničke zaštite ljudi i imovine i sadržaj i postupak polaganja ispita za

inspektora (sačinjena radna verzija Pravilnika).

15. Pravilnik o plaćama i naknadama policijskih službenika Federalnog ministarstva unutrašnjih poslova – Federalnog ministarstva unutrašnjih poslova (donesen pod brojem 01-03-02-2-156/15 od 23. 11. 2015. godine).
16. Pravilnik o prestanku važenja Pravilnika o izgledu i sadržaju identifikacijske kartice za članove Vlade Federacije Bosne i Hercegovine (objavljen u „Službenim novinama Federacije BiH“, broj 98/15).
17. Pravilnik o prestanku važenja Pravilnika o vrsti tehničkih naprava, sredstvima i opremi kojima se obavljaju poslovi tehničke zaštite i načinu njihove ugradnje i projektovanja (objavljen u „Službenim novinama Federacije BiH“, broj 98/15).
18. Pravilnik o uvjetima, načinu i postupku korištenja sredstava iz specijalne kase (objavljen u „Službenim novinama Federacije BiH“, broj 99/15).
19. Odluka o utvrđivanju udjela finansijskih sredstava potrebnih za korištenje specijalne kase (upućena Vladi Federacije BiH na usvajanje).

Redni broj	Aktivnosti	Period	Broj
1.	Prednacrt, nacrt i prijedlog federalnih zakona iz oblasti unutrašnjih poslova	VII-XII	7 zakona (u fazi donošenja - vidi komentar)
2.	Podzakonski propisi koje donosi Vlada Federacije BiH (uredbe i odluke)	VII-XII	3 uredbe 1 odluka (u fazi donošenja, vidi komentar)
3.	Podzakonski propisi koji se donose iz nadležnosti Ministarstva	VII-XII	11 pravilnika 4 pravilnika (u fazi donošenja - vidi komentar)
4.	Davanje stručnih mišljenja o prednacrtima, nacrtima i prijedlozima zakona i drugih propisa i općih akata iz nadležnosti Ministarstva	VII-XII	/
5	Upravni postupak koji se ne završava donošenjem rješenja (rođeni, vjenčani, umrli, JMB, usvojenje, lične karte, prebivalište, uvjerenja o nekažnjavanju, vozačke dozvole, kancelarijsko poslovanje, predstavke i dr.)	VII-XII	/

2.2. Državljanstvo i matične knjige

U navedenom periodu rješavano je u upravnim stvarima i postupcima iz oblasti državljanstva i matičnih knjiga. Pripremala su se rješenja o prijemu u državljanstvo po osnovama propisanim Zakonom o državljanstvu Federacije Bosne i Hercegovine, rješavalo se po zahtjevima državljana BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva, zatim po žalbama na akte prvostepenih organa iz oblasti Zakona o matičnim knjigama i Zakona o ličnom imenu te su se davala stručna mišljenja iz oblasti navedenih zakona.

Ukupno je zaprimljeno 1.308 zahtjeva za izbor/promjenu entitetskog državljanstva državljana BiH sa prebivalištem u Brčko Distriktu BiH, odnosno prijem u državljanstvo BiH i FBiH po osnovu međunarodnog sporazuma i naturalizacije. Od prethodno navedenog broja zaprimljenih zahtjeva dominantan je broj zahtjeva koji se odnose na izbor/promjenu entitetskog državljanstva državljana BiH sa prebivalištem u Brčko Distriktu BiH i iznosi 1.164 zahtjeva, dok se 144 zahtjeva odnose na prijem u državljanstvo BiH i FBiH po osnovu međunarodnog sporazuma i naturalizacije. Po svim predmetima je postupano na način da je podnosiocima zahtjeva po potrebi ukazano na neophodnost dopune dokumentacije te su vršene odgovarajuće provjere kod nadležnih institucija vezano za prijem u državljanstvo BiH i FBiH po osnovu međunarodnog sporazuma i naturalizacije.

Ukupan broj donesenih pravosnažnih rješenja o prijemu u državljanstvo BiH i FBiH po osnovu međunarodnog sporazuma i naturalizacije iznosi 152, dok broj rješenja o promjeni/sticanju entitetskog državljanstva državljana BiH sa prebivalištem u Brčko Distriktu BiH iznosi 1.223. Pored navedenog, doneseno je 31 rješenje po žalbama izjavljenim na rješenja prvostepenih organa, pet rješenja kojim je odbijen prijem u državljanstvo BiH i FBiH, sedam zaključaka kojim je obustavljen postupak prijema u državljanstvo BiH i FBiH i pet rješenja o povratu uplaćene administrativne takse za prijem u državljanstvo BiH i FBiH. Dostavljeno je jedno stručno mišljenje/odgovor na upit vezano za pitanje provođenje Zakona o državljanstvu i Zakona o matičnim knjigama i 14 odgovora nadležnom sudu po pokrenutom upravnom sporu. U skladu sa Zakonom, vođene su propisane evidencije iz oblasti državljanstva te vršene razne vrste provjera na zahtjev državnih organa (Ministarstvo vanjskih poslova, Ministarstvo sigurnosti), 53 provjere državljanškog statusa.

U izvještajnom periodu, inspektori za matične knjige i državljanstvo dostavili su 49 odgovora na upit, obavili 17 inspekcijskih nadzora, donijeli 25 rješenja o nalaganju mjera za otklanjanje nepravilnosti i nedostataka te tri rješenja po žalbama. Pored navedenog, sačinili su tromjesečne izvještaje o radu, godišnji izvještaj dostavljen ministru FMUP-a i Vladi FBiH te zahtjev za odobrenje prekršajnih naloga.

U izvještajnom periodu kontinuirano je rađeno na smještaju rezervnog servera JCMR-a u Mostaru te je sačinjeno idejno rješenje za adaptaciju prostorije za njegov smještaj. Obavljen je razgovor sa IT grupom Generalnog sekretarijata Vlade FBiH vezano za smještaj rezervne lokacije i zajedničke saradnje. Pored navedenog, rađeno je na prikupljanju materijala za rad na Priručniku o korištenju JCMR-a.

Također, rađeno je na izradi prijedloga izmjena i dopuna Pravilnika o načinu i funkcionisanju JCMR-a, provjerene su prostorije za smještaj rezervne lokacije JCMR-a u Mostaru, snimljeni podaci registra na vanjske medije te očišćene glave *back-up* uređaja/arhivskih medija. Izvršeno je 286 provjera kroz JCMR, vršene su konsultacije s općinskim uredima te je rađeno na izradi prezentacija za uposlenike FMUP-a. Poduzimane su radnje (iz okvira svoje nadležnosti) radi uspješnog funkcionisanja servera.

Jednom mjesečno (petkom) u Uredu Federalnog ministarstva u Brčko Distriktu BiH, pružana je pravna pomoć licima koja podnose zahtjev za sticanje/promjenu entitetskog državljanstva državljana BiH sa prebivalištem u Brčko Distriktu BiH.

1.	UP-1, oblast državljanstva, kl. oznaka 13-4-		2.	UP-2, oblast državljanstva, matičnih knjiga i ličnog imena	
a)	Zahtjevi za prijem u državljanstvo po osnovu člana 8. i 9. Zakona o državljanstvu FBiH/naturalizacija	1	a)	Broj zaprimljenih žalbi na rješenja prvostepenih organa i rješenja Federalnog inspektorata za državljanstvo i matične knjige	36
b)	Zahtjevi za prijem u državljanstvo po osnovu člana 10. Zakona o državljanstvu FBiH/maloljetna lica	0	b)	Rješenja po žalbama na rješenja prvostepenih organa i rješenja Federalnog inspektorata za državljanstvo i matične knjige	31
c)	Zahtjevi za prijem u državljanstvo po osnovu člana 12. Zakona o državljanstvu FBiH/ugovor o dvojnomo državljanstvu	143	c)	Broj odgovora na upit/dostavljanje stručnih mišljenja	1
			3.	Upravni sporovi, odgovori na tužbe dostavljeni nadležnom sudu po tužbama	
			a)	Broj dostavljenih odgovora nadležnom sudu	14
d)	Zahtjevi državljana BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva,	1.164	4.	Oblast rada Inspektorata za državljanstvo i matične knjige	
			a)	Broj rješenja o nalaganju mjera za otklanjanje nepravilnosti i nedostataka utvrđenih inspekcijskim nadzorom	25
e)	Pravosnažna rješenja o prijemu u državljanstvo po osnovu člana 8. i 9. Zakona o državljanstvu FBiH/naturalizacija	0	b)	Broj obavljenih redovnih inspekcijskih nadzora	13
			c)	Broj obavljenih vanrednih inspekcijskih nadzora	4
			d)	Broj zaprimljenih žalbi na rješenja kantonalnih inspektora	2
			e)	Broj donesenih rješenja po žalbama	3
f)	Pravosnažna rješenja o prijemu u državljanstvo po osnovu člana 10. Zakona o državljanstvu FBiH/maloljetna lica	0	f)	Broj odgovora na upit/dostavljanje stručnih mišljenja	49
			5.	Ostale aktivnosti, građanska stanja i evidencije	
g)	Pravosnažna rješenja o prijemu u državljanstvo po osnovu člana 12. Zakona o državljanstvu FBiH/ugovor o dvojnomo drž.	152	a)	Predmeti vezani za rođenje i MKR, kl. oz. 13-1	314
			b)	Predmeti vezani za sklapanje braka i MKV, kl. oz. 13-2	312
			c)	Predmeti vezani za JMB, kl. oznaka 13-5	83
h)	Rješenja po zahtjevima državljana BiH sa prebivalištem u Brčko Distriktu BiH za sticanje državljanstva Federacije putem izbora/promjene entitetskog državljanstva,	1.223	d)	Predmeti vezani za prebivališta i boravište i sl., kl. oznaka 13-6	13
			e)	Predmeti vezani za putne isprave, kl. oznaka 13-7	7
			f)	Predmeti vezani za smrt lica i matičnu knjigu umrlih i prijenos posmrtnih ostataka, kl. oznaka 13-3	307
i)	Rješenja o odbijanju prijema u državljanstvo donesena po gore navedenim zahtjevima	5	g)	Evidentirana rješenja FMUP-a o prijemu u državljanstvu BiH i FBiH	152
			h)	Kantonalna rješenja o prijemu u državljanstvo, kl. oznaka 13-4	30
j)	Zaključci o obustavi/prekidu postupka pokrenutim po gore navedenim zahtjevima	7	i)	Rješenja Državne komisije o rev. državljanstva, kl. oznaka 13-4	108
			j)	Rješenja MU i LS R. Srpske, prom./izbor entitetskog drž. 13-4	161
k)	Rješenja, povrat uplaćene administrativne takse za prijem u državljanstvo po gore navedenim zahtjevima	5	k)	Provjere državljanškog statusa, kl. oznaka 13-4	53
			l)	Broj izvršenih provjera kroz centralni matični registar	286

2.3. Upravno-nadzorni poslovi

Redni broj	Aktivnosti	Period	Broj
1.	Izdavanje posebnih saglasnosti u skladu sa članom 26. stav 2. i 26. b stav 2. Zakona o agencijama i unutrašnjim službama za zaštitu ljudi i imovine	VII-XII	8
2.	Izdavanje saglasnosti za nabavljanje vatrenog oružja iz člana 24. stav 4. Zakona o agencijama i unutrašnjim službama za zaštitu ljudi i imovine	VII-XII	4
3.	Odlučivanje u postupku po izjavljenim žalbama na rješenja kantonalnih ministarstava unutrašnjih poslova	VII-XII	5
4.	Odlučivanje u postupku po izjavljenim žalbama na rješenja Inspektorata za nadzor rada agencija za zaštitu ljudi i imovine FMUP-a	VII-XII	/
5	Priprema stručnih mišljenja na zahtjev fizičkih i pravnih lica	VII-XII	5

3. ŠKOLOVANJE, STRUČNO OSPOSABLJAVANJE I USAVRŠAVANJE

U skladu sa zakonskim odredbama, planom rada i iskazanim potrebama policijskih agencija za obukom svojih kadrova, Policijska akademija Federalnog ministarstva unutrašnjih poslova obavila je i obavlja poslove redovnog školovanja kadeta za čin „policajac“ i „mlađi inspektor“ po novom konceptu osnovne policijske obuke (obuka za čin „policajac“ traje 5 + 3 i obuka za čin „mlađi inspektor“ traje 3 + 3 mjeseca). Održan je određeni broj kurseva radi obrazovanja, osposobljavanja i usavršavanja policijskih službenika u organizaciji Policijske akademije i u organizaciji međunarodnih organizacija. Održani su kursevi radi osposobljavanja polaznika za obavljanje poslova fizičke, tehničke zaštite i odgovornih lica, prema novom Nastavnom planu i programu. Sve aktivnosti su usmjerene na osposobljavanje i usavršavanje policije za obavljanje poslova u službi zajednice te demokratizaciju i profesionalizaciju policije u FBiH. Nastavni proces zasnovan je na savremenim metodama, kako bi se što efikasnije postigla realizacija postavljenih ciljeva i zadataka u obuci policije u skladu sa međunarodnim principima i standardima.

Obuka se izvodi prema metodologiji koja se zasniva na uvježbavanju policijskih radnji i procedura na približno stvarnim situacijama - situaciona obuka, koja podrazumijeva pripremljene scenarije snimljene na videokasetama, koji se naknadno realizuju uvježbavanjem polaznika u praktičnim situacijama, gdje im se pruža mogućnost primjene stečenog teorijskog znanja. U realizaciji programskih sadržaja posebna pažnja

je usmjerena na obuku policije iz oblasti prava i provođenja zakonskih ovlaštenja, fizičku pripremljenost polaznika te formiranja svijesti kod svakog polaznika da je policija demokratska institucija u službi zajednice.

Za polaznike Policijske akademije smještaj i ishrana je osigurana u krugu Policijske akademije. Uvjeti smještaja i pružanja usluga ishrane mogu se ocijeniti kao vrlo dobri. Pored polaznika osnovne policijske obuke na Policijskoj akademiji, smještaj i ishrana je osigurana za polaznike kurseva i polaznike obuka fizičke i tehničke zaštite kao i odgovornih lica.

Različite oblike edukacija na Policijskoj akademiji u izvještajnom periodu pohađalo je 1.311 polaznika.

Program	Aktivnost iz plana	Indikator izvršenja	Napomena
Osnovna obuka	Obuka za čin "policajac"	Broj diploma 249	U toku je školovanje 249 polaznika za čin „policajac“ i 14 polaznika za čin „mlađi inspektor“
	Obuka za čin „mlađi inspektor“	Broj diploma 14	
Stručno osposobljavanje i usavršavanje	Kursevi u organizaciji Policijske akademije	Broj polaznika - certifikata 47	
	Kursevi u organizaciji međunarodnih organizacija	Broj polaznika 393	
	Obuka u organizaciji drugih institucija	Broj polaznika -	
	Obuka u rukovanju i upotrebi vatrenog oružja	Broj polaznika - certifikata 319	
Agencije za zaštitu ljudi i imovine	Obuka za fizičku zaštitu	Broj certifikata 232	
	Obuka za tehničku zaštitu	Broj certifikata 36	
	Obuka za odgovorna lica	Broj certifikata 21	

4. NADZOR RADA AGENCIJA I UNUTRAŠNJIH SLUŽBI ZA ZAŠTITU LJUDI I IMOVINE I ZAŠTITU OD POŽARA

Obavljani su redovni, kontrolni i vanredni nadzori agencija za zaštitu ljudi i imovine, unutrašnjih službi pravnih lica, finansijskih institucija i pravnih lica za zaštitu od požara i to:

Program	Aktivnost	Indikator izvršenja	Napomena: za izvršenje - efekti, za neizvršenje ili djelimično izvršenje - razlozi
Aktivnosti na normativnim regulisanjima određenih poslova iz domena Inspektorata	Redovan, kontrolni i vanredni nadzor agencija za zaštitu ljudi i imovine	29 izvještaja, 29 zapisnika, 1 rješenje o naloženim mjerama i nije bilo prekršajnih naloga.	Povećan stepen sigurnosti subjekata u poslovima zaštite ljudi i imovine
	Redovan, kontrolni i vanredni nadzor unutrašnjih službi pravnih lica	68 izvještaja, 68 zapisnika, 11 rješenja o naloženim mjerama i 1 prekršajni nalog.	Povećan stepen sigurnosti unutrašnjih službi pravnih lica u poslovima zaštite ljudi i imovine
	Redovan, kontrolni i vanredni nadzor finansijske institucije	42 izvještaja, 42 zapisnika, 16 rješenja o naloženim mjerama i nije bilo prekršajnih naloga.	Povećan stepen sigurnosti finansijskih institucija u poslovima zaštite ljudi i imovine
Aktivnosti na normativnim regulisanjima određenih poslova iz domena Inspektorata za zaštitu od požara	Redovan, kontrolni i vanredni nadzor pravnih lica za zaštitu od požara	71 izvještaj, 71 zapisnik, 20 rješenja o naloženim mjerama, nije bilo prekršajnih postupaka.	Povećan stepen sigurnosti pravnih lica za zaštitu od požara

5. MATERIJALNO-FINANSIJSKI POSLOVI

Blagovremeno su izvršeni finansijsko-knjigovodstveni investicijski te poslovi javnih nabavki.

6. OPĆI I ZAJEDNIČKI POSLOVI

Zaprimljeno je 6.260 raznih predmeta i akata (bez akata koji su stigli putem faksa i depeša) te 1.348 predmeta vezanih za prijem u državljanstvo BiH i FBiH. Od toga je 1.627 akata koji se odnose na pružanje međunarodne pravne pomoći, povrata izgubljenih stvari, zamijenjenih dokumenta i dr. Otpremljen je 19.251 akt.

Sastavni dio ovog izvještaja je Izvještaj Federalne uprave policije za drugo polugodište 2015. godine.